

§ [11]. Item mandamus sub pena excommunicationis omnibus et singulis clericis beneficiatis nostrarum civitatis et diocesis, ne pro aliquibus personis ecclesiasticis ^{a)} vel mundanis pro pecuniarum summis aut rebus aliis promittant nomine fidejussorio aut ^{b)} se obligent quovis modo nisi de nostra licencia speciali.

§ [12]. Ceterum quia usurarum vorago, que non solum animas devorat sed etiam facultates humilium gravibus laboribus acquisitas exhaurit, os suum in partibus nostris, ut intelleximus, dilatavit ipsarumque crimen adeo invaluit, quod multi Christiani nostrarum civitatis et diocesis in receptione usurarum judeis deteriores et nequiores sunt effecti, aliis negociis et laboribus derelictis usurarum lucro non solum in utroque testamento sed etiam jure canonico et civili prohibito quasi licito insistentes, ideoque vobis omnibus et singulis in virtute sancte obediencie et sub penis in sacris canonibus super hoc editis districte precipiendo mandamus, quatinus usurarios manifestos ad communionem non admittatis eorumque oblationes non recipiatis nec eos ad confessionem in extremis nec corpora eorum ad ecclesiasticam sepulturam recipiatis, nisi prius de usuris receptis satisfecerint aut ydonee de eisdem restituendis caverint et alias fecerint, prout in capitulo ¹⁾ ‚Quia in omnibus‘ de usuris et in capitulo ²⁾ ‚Quamquam‘ eodem titulo libro sexto laicius continetur. Que capitula cum capitulo ³⁾ ‚Eos‘ de sepulturis in Clementinis contra tales usurarios manifestos per vos mandamus districtius observari.

§ [13]. Etiam mandamus sub pena excommunicationis omnibus et singulis clericis beneficiatis ecclesiarum nostre civitatis, ne tempore divinorum dictam nostram ecclesiam Hildensem aut alias ecclesias

^{a)} Hdschr. ecclesiasticis. ^{b)} pag. 101.

¹⁾ Decr. Gregor̄ IX Lib. V Tit. XIX cap. 3. ²⁾ Decr. Bonifaz VIII Lib. V Tit. V cap. 2. ³⁾ Clement. Lib. III Tit. VII cap. 1.